



Жанубий

ҚОЗОҒИСТОН

1991 йил 5 апрелдан чиқа бошлаган
Сешанба, пайшанба ва шанба кунлари чиқади

2025 йил 18 январь, шанба, №6 (3507).

»» Президент

СУНЪИЙ ТАФАККУР ДАВРИ



Президент Қасим-Жўмарт Тўқаев Бирлашган Араб Амирликларига амалий ташрифи чоғида экспертлар билан сунъий заковатни ривожлантириш масалаларини муҳокама қилди.

Давлат раҳбари сунъий заковат замонавий тараққиётнинг асосий ҳаракатлантирувчи кучларидан бири бўлиб, иқтисодиётни тубдан ўзгартириши мумкинлигини таъкидлади.

– Қозоғистонда сунъий заковатни ривожлантириш учун мустаҳкам пойдевор барпо этиш борасида муҳим қадамлар қўйилмоқда. Асосий эътибор институционал муҳит яратиш, инфратузилма ва инсон капиталини ривожлантиришга қаратилмоқда. Институционал асосда Сунъий заковат бўйича Халқаро маслаҳат кенгаши тузилади. Мен уни ўзим бошқараман. Ушбу кенгаш

жаҳон даражасидаги экспертлар билан мулоқот ва фикр алмашиш учун стратегик майдонга айланади. Сунъий заковат соҳасидаги миллий сиёсат бўйича тавсиялар ишлаб чиқилиб, халқаро ҳамкорликни мустаҳкамлаш мақсадида унинг ишига муҳандислар, тадқиқотчилар, тадбиркорлар жалб қилинади, – деди Президент.

Қасим-Жўмарт Тўқаев Қозоғистон ахборот технологиялари соҳасида юқори сифатли мутахассисларни тайёрлаш ва қўллаб-қувватлашга алоҳида эътибор қаратишини таъкидлади. Президентнинг сўзларига кўра, сунъий заковатни муваффақиятли жорий этиш бевосита бундай технологияларни ишлаб чиқувчи ва қўллаётган одамларнинг малакаси ва тажрибасига боғлиқ.

Давлат раҳбари мамлакатда AI-сана инновациялар маркази ташкил этилганини ҳам маълум қилди. Марказ бутун дунёдан илғор тажрибаларни ўзлаштириб, инновацион ечимларни татбиқ этишга кўмаклашади.

Президент сунъий заковат билан боғлиқ ташаббусларни амалга оширадиган марказ мактаблар, олий ўқув юртлири, касб-хунар ўргатиш марказлари учун таълим дастурлари ишлаб чиқилишини айтди. Шунингдек, унда тадқиқотчилар, ёшлар ташаббуслари ва компаниялар учун идоралар ва тажриба алмашиш жойлари бўлади.

– Таълим соҳасида С3 тизимида инсон капиталини ривожлантириш имконини берадиган AI-Sana инновацион дастурини тақдим этдик. Дастур турли соҳа мутахассислари учун фанлараро таълим беради ва сунъий заковат билан боғлиқ илғор ечимларни ишлаб чиқишга ҳисса қўшади, – деди Президент.

Қасим-Жўмарт Тўқаев нутқи якунида Қозоғистон дунёвий сунъий заковат экотизимининг фаол аъзоси бўлишга интилаётганини таъкидлади. Учрашув иштирокчилари, шунингдек, илмий тадқиқотлардан тортиб, ахлоқий мейёрларни ўрнатишгача бўл-

ган турли тадбирларда иштирок этишга таклиф қилинди.

Учрашувда Polynome компанияси асосчиси Александр Ханнин, G42 компанияси сунъий заковат бўйича директори Жексон Эндру, Абу Дабидаги Фан ва Технология Университетининг профессори Дебба Меруан, БМТ “Эзгулик учун сунъий заковат” бошқарув кенгаши раиси Ал Мазруи Эбтесам, Core42 давлат ишлари ва ҳамкорлик бўйича директори Ал Қайси Талал, Муҳаммад ибн Зоид номидаги Сунъий заковат университетининг ректори ва профессори Тимоти Болдуин, Saal.ai компаниясининг сунъий заковат бўлими мудири Абдунаби Аброр, Mubadala Investment Company хатарли лойиҳалар ва тараққиёт бўлими мудири Ал Мазруи Фарис Суҳайл иштирок этди ва ўз фикрларини баён қилди.

Akorda.kz
маълумотлари асосида.

ЖАСОРАТ ВА МАРДЛИК УНУТИЛМАЙДИ



УЛУҒ ВАТАН УРУШИ ИШТИРОКЧИЛАРИГА ҒАЛАБАНING 80 ЙИЛЛИГИ МЕДАЛИ ТОПШИРИЛАДИ

ҚР Мудофаа вазирлиги Улуғ Ватан уруши қатнашчиларини Ғалабанинг 80 йиллиги муносабати билан медаллар билан мукофотлаш тўғрисидаги Президент фармони лойиҳасини жамоатчилик муҳокамасига ҳавола қилди.

“ҚР Президентининг “1941-1945 йиллардаги Улуғ Ватан урушидаги Ғалабанинг 80 йиллигига бағишланган байрам медали тўғрисида”ги Ҳукумат қарори лойиҳаси ишлаб чиқилди. Фармон лойиҳасига кўра юбилей медали билан тақдирлаш қоидалари ва тавсифи тасдиқланади”, дейлади ҚР Мудофаа вазирлигининг матбуот хабарига.

Эслатиб ўтамоқчи, қарағандилик фахрийларнинг ҳар бири Ғалабанинг 80 йиллиги муносабати билан 3 миллион тенгедан давлат мукофоти олади. Астанадаги Иккинчи жаҳон уруши фахрийларининг ҳар бирига 5 миллион тенгедан тўланади. ҚР Давлат маслаҳатчиси Ерлан Карин таъкидлаганидек, Буюк Ғалаба куни қозоғистонликлар учун муҳим ва муқаддас сана ҳисобланади.

24.kz. маълумотлари асосида.

ЭЛИМ ДЕГАННИ – ЮРТ АРДОҚЛАЙДИ



ПАРЛАМЕНТ МАЖЛИСИНING VI-VII ЧАҚИРИҚ ДЕПУТАТИ, ЖАМОАТ АРБОБИ ФАХРИДДИН ҚОРАТОВ ЯНГИ ХИЗМАТГА ТАЙИНЛАНДИ

Фахриддин Абдунаби ўғли ҚР Меҳнат ва аҳоли ижтимоий муҳофазаси қилиш вазирлигининг Республика Меҳнат муҳофазаси бўйича илмий-тадқиқот институтининг Шимкент шаҳар ва Туркистон вилояти филиали директори этиб тайинланди.

Туркистон вилояти, Сайрам тумани, Қорабулоқ қишлоғида тузилган Фахриддин Абдунаби ўғли меҳнат фаолиятини оддий ишчи сифатида бошлаб, узоқ йиллар ишлаб чиқариш ва қишлоқ хўжалиги соҳаларида фаолият юритди. У прораб, бўлим мудири, хомашё цехи бошлиғи, хўжалик бош муҳандиси, Қорабулоқ қишлоғи ҳокими, икки марта вилоят “Жанубий Қозоғистон” ижтимоий-сиёсий газетаси директор-бош муҳаррири, Сайрам тумани ҳокими ўринбосари, “Нур Отан” ХДП Сайрам туман бўлими раисининг биринчи ўринбосари лавозимларида зиммасидаги вазифаларни масъулият билан адо этган. Жамбил технологик институти ва Алматы иқтисодиёт университетини тамомлаган.

Тажрибали раҳбар Фахриддин Қоратов юрт манфаатларига садоқат билан хизмат қиладиган малакали мутахассис сифатида янги вазифани муносиб адо этишига ишончимиз комил.

Фахриддин Абдунаби ўғлига янги лавозимда муваффақиятлар тилаймиз.

ТАҲРИРИЯТ.

“КЕНГ ДАЛА” ДАСТУРИ ЛОЙИҲАЛАРИ МОЛИЯЛАШТИРИЛМОҚДА



Вилоятимизда қишлоқ хўжалигини қўллаб-қувватлашга қаратилган давлат дастурлари ўз самарасини кўрсатмоқда. Улардан бири “Кенг дала” дастуридир. 2024 йилда ушбу дастур доирасида 1623та лойиҳага 11,4 млрд тенге ажратилиб, 2110та иш ўрни яратилди.

Жорий йилда эса умумий қиймати 12,3 миллиард тенге бўлган 1700га яқин лойиҳани молиялаштириш режалаштирилган, бу эса 2200дан зиёд янги иш ўрни яратиш имконини беради.

Вилоятда ушбу ишларни мувофиқлаштириш “Туркистон” ижтимоий-тадбиркорлик корпорацияси” ҲҲга қарашли “Оңтүстік” очик ҳиссадорлик жамияти ва “Ырыс” давлат молия ташкилоти МЧБ зиммасига юклатилган.

Ҳозирда лойиҳани молиялаштириш учун ҳужжатлар қабул қилинмоқда. Номзодлар 500 минг тенгедан 300 миллион тенгегача молиявий ёрдам олишлари мумкин. Фоииз миқдори йилга 5 фоииз. Чегирамали тўлов шартлари ҳам тақдим этилади. Бу лойиҳа биринчи навбатда деҳқон ва чорвадорларни қўллаб-қувватлашга қаратилган, вилоятда агросаноатни ривожлантиришга ҳам улкан ҳисса қўшмоқда.

Вилоят ҳокимининг матбуот хизмати.

ТАЪЛИМ УЛУҒЛАНГАН ЮРТ ФАРОВОН БЎЛАДИ

Жорий йилда вилоятимизда 50та мактаб биноси барпо этилмоқда, шундан 29таси “Бадастир мактаб”. Муқаддам мазкур лойиҳа доирасида минтақамизда еттита мактаб фойдаланишга топширилган эди.

Мактаблар қурилишининг бо-риши билан танишиш мақсадида вилоят ҳокими Нуралхан Кўше-ров Саврон туманига ташриф буюриб, бинокорлар билан мулоқотда бўлди.

– “Бадастир мактаб” лойиҳаси доирасида қурилатган 29та мактабдан ташқари, вилоят бюджет ва бошқа молиялаштириш манбалари ҳисобидан яна 21та мактаб барпо этилмоқда. Ушбу

50та мактабнинг фойдаланишга топширилиши вилоятдаги харо-ба ва уч навбатли мактаблар муаммосини ҳал этишга хизмат қилади. Биз таълим тизимини сифат жиҳатидан юксалтиришга алоҳида эътибор қаратмоқдамиз, – деди у.

Миллий лойиҳа доирасида Чўрноқ қишлоқ ҳокимлигига қарашли Аша қишлоғида 600 ўрин-ли мактаб қурилмоқда. Бунд-

корлик ишларининг бо-ришини кўздан кечирган вилоят раҳбари пудратчиларга маҳаллий кури-лиш материалларидан фойдала-ниш, ишлаб чиқариш режасига риоя қилиш зарурлигини таъкид-лаб, аниқ топшириқлар берди.

Шунингдек, вилоят ҳокими Ну-ралхан Кўше-ров хизмат сафари давомида туман шифохонаси фаолияти билан яқиндан таниш-

ди, ходимлар билан учрашиб, эркин фикр алмашди ва аҳоли саломатлигини асрашда муҳим ўрин тутадиган муассасалар фаолиятини мунтазам такомил-лаштириш муҳимлигини таъкид-лади.

Саврон туман шифохонаси 73 минг аҳолига хизмат кўрсатади.

Вилоят ҳокимининг матбуот хизмати.



